

ZAPISNIK SA 11. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 25.02.2020. GODINE

Prisutni: D. Smital; N.Tadić; Dž. Kahrlica; E. Čengić; E. Fočo; D.Miljević; M.Herac; S.Gadžo; M. Baručija ; R.Kukić;
M. Grbo; S.Kavazović; N. Arnautović; M. K. Pašalić

Odsutni: O. Bukić; J.Sogović; E.Agić - **opravdano**

Dnevni red:

1. Zapisnik sa 10. sjednice
2. Skupština
 - Izvještaj o radu UO za 2019. godinu
 - Program rada Sindikata za 2020. godinu
 - Spisak delegata
 - Verifikaciona komisija
 - Organizacija Skupštine
3. Aktuelna situacija u BHRT-u
4. Finansije
 - Izvještaj blagajnika (D. Karšić)
 - 8. mart
5. Ugovori
 - Adriatic
6. Dodjela pomoći (M.Herac, M. Baručija, R. Kukić)
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 11. sjednicu UO SSR u BHRT-u i naveo da je D.Miljević poslao prijedlog izmjene dnevnog reda. Obzirom da su izmjene pravilnika o dodjeli pomoći bile na dnevnom redu sjednice sindikata prije 2 mjeseca, kolegij je odlučio da ne prihvati prijedlog o izmjenama pravilnika u skladu sa zaključkom o radu UO. Dnevni red koji je predložen je jednoglasno usvojen zajedno sa zapisnikom sa 10. sjednice UO sindikata.

AD 2. Rukovodstvo sindikata je održalo sastanak sa predsjednikom skupštine i dogovoren je termin za održavanje skupštine 12.03.2020.godine. UO je nakon kraće rasprave jednoglasno usvojio izvještaj o radu UO za 2019.godinu. Program rada sindikata za 2020 godinu je jednoglasno usvojen. Spisak delegata je pripremljen i uz korekciju Podružnice RTV produkcije (koleginica M.Simić otišla u penziju) je usvojen jednoglasno.

Prijedlog Odluke o isplati naknada delegatima iz IT Centara u iznosu od 900KM je jednoglasno usvojen.

U dogovoru sa predsjednikom skupštine, rukovodstvo sindikata za verifikacionu komisiju predlaže M.Herac, R.Kukića i N.Arnautovića. Za zapisničara se predlaže M.K.Pašalić, a za ovjerivače zapisnika Dž.Kahrlica i E.Fočo. Svi prijedlozi su jednoglasno usvojeni.

Odluka o održavanju Skupštine sindikata 12.03.2020.godine u 11 sati je jednoglasno usvojena.

Za organizaciju skupštine predlažu se Dž.Kahrlica, N.Arnautović, E.Fočo, M.Baručija i E.Agić kojim se odobrava po 7 KM naknade za topli obrok. Ovaj prijedlog je jednoglasno usvojen. Dž.Kahrlica se zadužuje da će dostaviti imena dvije osobe za obezbjeđenje za koje se odobrava dnevnicica od 25KM. Za potrebe kopiranja materijala za skupštinu sindikat je angažovao I.Pavlovića kojem je odobrena naknada od 25KM. Sve odluke su usvojene jednoglasno. E.Čengić je uputio dopis za rezervaciju studija MP, raglas i snimanje kao i Odjelu obezbjeđenja o održavanju skupštine u pomenutom terminu.

AD 3. Dž.Kahrlica je izvjestio UO da je rukovodstvo sindikata održalo sastanak sa generalnim direktorom i pomoćnicom za razvoj po pitanjima koja su bila tema zadnje sjednice UO sindikata. Primljeno je nekih 30 radnika na određeno vrijeme. Kada je u pitanju rampa za parking, problem je u vezi naknade za parking mjesto za koje se mora platiti porez na šta su upozorili iz finansija s tim da bi se jedno parking mjesto trebalo plaćati po komercijalnim cijenama. Menadžment će pokušati pronaći rješenje da se stavi u funkciju rampa i da se simbolično naplaćuje parking za radnike. Kada su u pitanju maske za zagađen zrak za radnike koji rade na terenu zaključeno je da sindikat ukaže na ovaj problem za iduću godinu obzirom na tender koji se mora raspisati. Kada je u pitanju rampa za invalide, planirano je da se uradi rekonstrukcija cijele recepcije zajedno sa rampom za invalide. Prelazno rješenje za invalide je da se oslobodi ulaz sa zadnje strane RTV Doma kako bi mogli nesmetano ući. Kada je u pitanju kućica ispred RTV Doma, rečeno je da je u procesu rješavanje ovog pitanja. Tender za HTZ opremu je ponovno pao, a plata za saradnike je 600KM, bez obzira koji je posao u pitanju, što do sada nije bio slučaj. Menadžment je uputio ponudu poreskoj da se napravi plan otplate dugova na 10 godina. Kada su u pitanju doprinosi, Dž.Kahrlica je poslao upit advokatu sindikata i dobio njegov odgovor u kojem stoji "Vezano za vaš upit obavještavam Vas sljedeće: radnici ne mogu tužiti za uplatu obaveznih doprinosa za zdravstveno osiguranje i poreze. Radnici mogu tužiti za uplatu obaveznih doprinosa za penzijsko invalidsko osiguranje i nema zastare potraživanja obaveznih doprinosa za penzijsko invalidsko osiguranje".

AD 4. Blagajnički izvještaj za januar 2020. godine je primljen k znanju.

D.Smital je izvjestio da je izvršni sekretar dobio ponudu od DM-a za 8.mart u istom iznosu kao i prošle godine od 30KM što ukupno iznosi 5086,00KM. M.Herac je predložila da iznos poklon bona bude 40KM. Nakon kraće rasprave, prijedlog M.Herac nije dobio većinu glasova, a glasalo se 3 ZA, 5 PROTIV, 4 SUZDRŽAN, dok 2 člana nisu glasala. Prijedlog E. Čengića da se dodjeli svim članicama sindikata bon DM-a u iznosu od 30 KM je usvojen jednoglasno.

AD 5. M.Herac je izvjestila da je u januaru urađeno 9 registracija što je ukupno 3451,11KM dok povrat iznosi 172,55KM Adriatic izvještaj za januar 2020 je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec februar dobiju slijedeći članovi: Diša Karšić 500KM (III dio), Čamil Tabak 500KM (II dio), Nedžad Junuzović 300KM (I dio), Behudin Hozo 500KM (I dio). Ukupno 1.800,00 KM. Prijedlog komisije je jednoglasno usvojen.

M.Herac je istakla problem uplate za B.Hozu i predložila da se taj iznos uplati na račun socijalne radnice.

E.Čengić je istakao da je u potpunosti uključen u slučaj B.Hoze i da ga je smjestio u bolnicu Nahorevo. B.Hozo je imao dvije amputacije i još uvijek je radnik BHRT-a, a u proceduri je njegovo penzionisanje. Svi papiri i otpusna pisma su dostavljena komisiji a dogovorio je sa socijalnom radnicom da ona podigne odobrena sredstva i ista će biti uplaćena za hospitalizaciju u Nahorevu. Nakon kraće rasprave, zaključeno je da se na majskoj sjednici razmatraju izmjene pravilnika o dodjeli pomoći, a da se svi prijedlozi pošalju D.Smitalu do 20.05. Ovaj prijedlog je jednoglasno usvojen.

AD 7. R.Kukić je istakao problem korona virusa i mogućnosti zatvaranja škola i vrtića što će povući problem dolaska na posao roditelja jer u tom slučaju neće imati gdje ostaviti djecu. Nakon kraće rasprave u kojoj su učestvovali R.Kukic, D.Smital, M.K. Pašalić i M.Herac, usvojen je zaključak da sindikat u slučaju korona virusa traži minimalan proces rada. N.Tadić je upoznala UO sa prijedlogom Kerima Hurlle da sindikat ove godine ima učesnike na Maršu mira i samim tim uzme učešće u ovoj manifestaciji pa da se o ovome raspravlja, sa nekim konkretnim prijedlozima, na jednoj od narednih sjednica. Ovaj prijedlog je jednoglasno usvojen.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital